

S. D. N. PAVLI
DIVINA PROVIDENTIA
PAPAE QVINTI.
DECLARATIO

Quòd Curiales, & Incolæ Vrbis, ac Ciues Romani originarij in Vrbe, & eius Distriktu intra decem milliaria decedentes, non faciant spolia de bonis in dicta Vrbe, & eius distriktu prædicto existentibus.



ROMAE, Ex Typographia Cam. Apost. M. DC. VI.

S. D. N. PAVLI

LIBRARY OF THE

UNIVERSITY OF

CHICAGO

1891

1891

1891

1891

P A V L V S P P. V.

Ad perpetuam rei memoriam.



IN eminenti Apostolicæ dignitatis specula, meritis licet imparibus, superna dispositione constituti, inter cæteras curas, quæ ex iniuncto Apostolicæ seruitutis officio nobis incumbunt, illa præcipua est, vt Alma Vrbs nostra Beatorum Petri, & Pauli Apostolorum martyrio consecrata, ad quam omnes Christifideles ex vniuersis Mundi partibus tanquàm ad communem Patriam, & Portum cunctarum gentium, & nationum, atque adeò ad Magistram Veritatis, & Religionis confluunt, ijs demum gratijs, & priuilegijs exornetur, per quæ omnes, qui ad eam vndiq. veniunt, illamq. incolunt, nunc, ac perpetuis futuris temporibus sine vlla animi molestia in illa stare, & permanere, & Romanæ Ecclesiæ, Sediq. Apostolicæ adiumento, esse possint, ac animaduertentes aliàs fel: recor: Sixtum Quartum, Iulium Tertium, Pium Quartum, & nonnullos alios Prædecessores nostros Romanos Pontifices, vt eiusdem Vrbs decori, illamq. incolentium, & Curiam præfatam sequentium indemnitati consulere, Curialibus, & incolis prædictis diuersa præsertim de eorum bonis testandi, seu aliàs disponendi priuilegia, facultates, & indulta concessisse, prout in eorundem Prædecessorum literis desuper expeditis latius continetur. Quæ temporum fortasse iniuria, diuersas ob causas imminuta, aut aliàs abrogata dicuntur. Volentesq. Nos, qui in eadem Vrbe nati sumus, Curialium, & Incolarum prædictorum indemnitati, & tranquillitati consulere, ac tam eos, quàm Romanos Ciues originarios pari fauoris, & gratiæ prærogatiua, prosequi, eorundem Prædecessorum vestigijs inhaerendo, Motu proprio, & ex certa scientia, matura deliberatione, & mera liberalitate nostris, deq. Apostolicæ nobis attributæ potestatis plenitudine, hac nostra perpetuò valitura constitutione statuimus, decernimus, & declaramus, quòd post hac perpetuis futuris temporibus omnes, & singuli Romanam Curiam sequentes, seu ipsam Vrbem incolentes, nec non ipsi Romani Ciues originarij nunc & pro tempore existentes, etiam Clerici, & in Sacris, etiam Presbyteratus, ordinibus constituti,

ceteraq. omnes, & quæcunq. aliæ personæ Ecclesiasticæ cuiuscunq. status, gradus, ordinis, & conditionis, etiam Abbatiali, Episcopali, Archiepiscopali, Patriarchali, & etiam maiori, & quauis alia Ecclesiastica, vel mundana dignitate fulgentes, & quæcunq. beneficia Ecclesiastica, secularia, & quorumuis ordinum regularia, aut aliàs quomodolibet qualificata, & speciali nota digna obrinentes, necnon quascunq. pensiones annuas super quorumuis Mensarum Patriarchialium, Archiepiscopalium, Episcopaliū, Abbatialium, ac dignitatum, Canonicatum, & aliorum beneficiorum Ecclesiasticorum, vt præfertur, vel aliàs quomodolibet qualificatorum fructibus, redditibus, & prouentibus, aut ipsos fructus, redditus, & prouentus loco pensionum annuarum sibi Apostolica auctoritate quomodolibet reseruatas, & assignatas, ac reseruatos, & assignatos habentes, & obtinentes, qui in dicta Vrbe, vel eius Districtu intra decem milliaria ab ipsa Vrbe non tamen extra debitam residentiam decesserint, de omnibus suis bonis mobilibus, & immobilibus, ac se mouentibus, iuribus, & actionibus quibuscunq. necnon iocalibus, & pecunijs, ac rebus alijs in dicta Vrbe, & eius Districtu intra decem milliaria huiusmodi consistentibus, & seu existentibus, ac etiam prouenientibus ex quibuscunq. fructibus, redditibus, & prouentibus, ac iuribus, obventionibus, & emolumentis, etiam decimalibus dictarum Ecclesiarum, & beneficiorum, vt præfertur, quomodolibet qualificatorum, quæ in titulum, vel commendam, aut administrationem, vel aliàs quomodolibet, etiam ex quibusuis concessionibus, & dispensationibus Apostolicis obtinent, & seu antea obtinuerunt, vel in posterum obtinebunt, necnon, etiam ex quibusuis fructibus, redditibus, prouentibus, iuribus, obventionibus, & emolumentis Ecclesiasticis, atque pensionibus annuis super similibus fructibus, redditibus, & prouentibus, ac etiam distributionibus quotidianis sibi reseruatis, concessis, constitutis, & assignatis, necnon ex emolumentis quorumcunq. Romanæ Curie officiorum, etiam administrationem habentium, & locorum Montium, vel censuum, ac aliàs prouenient. quæ ipsi pro tempore habuerunt, & obtinuerunt, ac habent, & obtinent, habebuntq., & obtinebunt in futurum, cuiuscunq. qualitatis, quantitatis, & summx, ac pretij, & valoris existant, per eos, & eorum quemlibet acquisitis, & acquirendis, & in eadem Vrbe, & illius Districtu infra decem milliaria vt supra consistentibus, disponere, & tam donatione inter viuos, vel causa mortis, seu testamento, legato, & fideicommisso, quam alia quauis dispositione inter viuos, seu vltima voluntate in fauorem consanguineorum,

neorum, & affinium fuorum, Collegiorumq. Vniuerſitatum, & locorum
piorum, ac quarumuis aliarum perſonarum, etiam penitus ex-
traneorum diſponere, & ordinare, ac in eiſdem rebus, & bonis con-
ſanguineos, & affines, Collegia, & Vniuerſitates, ac loca, & perſo-
nas præſatas, hæredes vniuerſales, vel particulares pro eorum libito
voluntatis facere, de illiſq. liberè, & licitè pro libito voluntatis diſpo-
nere poſſint, & valeant plenam, & liberam eis, & cuiſlibet eorum li-
centiam, & facultatem omnimodam concedimus, & impartimur.
Declarantes, quòd ſi contingat, dictos Clericos, & alias Eccleſiaſti-
cas perſonas præſatas, diſponere de ipſorum bonis in fauorem illegi-
timorum, (non tamen ex eorum proprio corpore procreatorum)
tunc, & eo caſu quoad bona, & iura, & alias res ipſorum diſponen-
tium mere patrimonialia, & laicalia in dicta Vrbe, & illius Diſtrictu, vt
ſupra conſiſtentia, nec Camera, nec ipſi illegitimi in illis vllo modo
ſuccedant, ſed ad venientes ab inteſtato iuxta iuris diſpoſitionem ſpe-
ctent, & pertineant, quauis alia conſtitutione forſan contrarium diſ-
ponente non obſtan. Præterea Motu, ſcientia, & poteſtate ſimilibus
decernimus, & ordinamus, quòd ſi dicti Curiales, ſeu Incolæ Vrbiſ,
Romaniq. Ciues originarij, aliq. prædicti in Vrbe, & Diſtrictu præ-
dictis, non tamen extra eorum debitam reſidentiam, ab inteſtato decef-
ſerint, eorum bona, pecuniæ, iocalia, iura, actiones, & res huiusmo-
di, etiam ex bonis, & redditibus Eccleſiaſticis ſupradictis prouenientia
per eos, vt ſupra acquiſita in dicta Vrbe, & eius Diſtrictu intra decem
milliaria, vt præfertur, conſiſtentia ad eorum hæredes ab inteſtato ve-
nientes liberè deueniant, nec illa ad Romanum Pontificem, aut Se-
dem, & Cameram Apoſtolicam ſpectare, & pertinere dici, vel præ-
tendi poſſit, minusq. miniſtri, vel Agentes dictæ Cameræ, etiam ſub
prætextu quòd dicti hæredes in Vrbe non reperiuntur, dictorum bono-
rum poſſeſſionem apprehendere, vel ſequeſtrare, aut de illis inuenta-
ria conficere, aut in illis quouis modo ſe intromittere valeant. Diſtri-
ctus inhibentes modernis, & pro tempore exiſtentibus Sæculari Romanæ
Eccleſiæ Camerario, & dictæ Cameræ generalibus Theſaurario,
Commiſſario, necnon Præſidentibus Clericis nunc, & pro tempore
exiſtentibus, omnibuſq. & ſingulis Spoliorum, & lurium Cameræ
Apoſtolicæ Collectoribus, vel Subcollectoribus, ac alijs Miniſtris quo-
cunque nomine nuncupatis, ne hæredes, & ſucceſſores quoscuque
etiam ab inteſtato dictorum Curialium, ac Incolarum, & Ciuium
Romanorum, in Vrbe, ac illius Diſtrictu præſato pro tempore dece-
dentium ſuper prædictis bonis, pecunijs, iocalibus, iunibus, aſioni-
bus,

bus, & rebus quibuscunque per dictos Curiales, Incolas, Romanosque Cives originarios, pro tempore in Vrbe prædicta, & infra illius Districtum huiusmodi deceden., vt præfertur, acquisitis, contra præsentium nostrarum literarum formam, etiam sub prætextu, seu causa illicitæ negotiationis molestare, perturbare, inquietare, & se in hæreditatibus, & bonis præfatis quouis modo immiscere, aut illa petere, seu sibi, aut Cameræ præfatæ vendicare, seu de illis Inuentarium conficere audeant, seu præsumant. Decernentes sic nostræ mentis, & immutabilis voluntatis existere, ac ita, & non aliter per Camerarium, Thesaurarium, Commissarium, Præsidentes, & Clericos præfatos, ac alios quoscunque Iudices Ordinarios, & Delegatos, etiam causarum Palatii Apostolici Auditores, ac S. R. E. Cardinales quauis auctoritate fungentes sublata eis, & eorum cuiilibet quauis aliter iudicandi, & interpretandi facultate, & auctoritate iudicari, & diffiniri debere, ac irritum prorsus, nullum, & inane, quicquid secus super his à quoquam quauis auctoritate scienter, vel ignoranter contigerit attentari. Non obstan. constitutionibus, & ordinationibus Apostolicis, nec non Cameræ præfatæ, & Ecclesiarum in quibus dicta beneficia forsitan fuerint, aut Monasterium, & Ordinum, quorum illa extiterint, etiam Iuramento, confirmatione Apostolica vel quauis firmitate alia roboratis, statutis, & consuetudinibus, necnon privilegijs, concessionibus, indultis, & literis Apostolicis, illis necnon Camerario, Thesaurario, Commissario, Cameræ Præsidentibus, & Clericis, alijsq. prædictis sub quibuscunque tenoribus, & formis, ac cum quibuscunque derogationum derogatorijs, alijsq. efficacioribus, & insolitis clausulis, ac irritantibus, & alijs decretis per quoscunque Romanos Pontifices, etiam prædecessores nostros in genere, vel in specie, etiam Motu, scientia, & Apostolicæ potestatis plenitudine similibus, aut alijs quomodo libet, etiam consistorialiter, concessis, & approbatis, ac innouatis; Quibus omnibus, & singulis, etiam si de illis, eorumq. totis tenoribus specialis, specifica, & ad verbum expressa mentio, seu quauis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbū insererentur, præsentibus pro sufficienter expressis habentes ad effectum præsentium illis alijs in suo robore permanentibus, hac vice dumtaxat specialiter, & expressè derogamus, ac suos effectus aduersus declarationem, voluntatem, statutū, & ordinē nostras, huiusmodi sortiri, aut vendicare non posse, neque debere volumus, & decernimus, cæterisq. contrarijs quibuscunque. Cæterum, quia difficile foret, præsentibus nostras literas ad singula quæque loca deferri volumus,

mus, & declaramus, quod illarum transumptis, etiam impressis manu Notarij publici subscriptis, & alicuius personæ in dignitate Ecclesiastica constitutæ sigillo munitis, eadem prorsus fides in iudicio, & extrâ ubique adhibeatur, quæ eisdem præsentibus adhiberetur, si forent exhibitæ, vel ostensæ. Dat. Romæ apud Sanctum Petrum sub Annulo Piscatoris, die 8. Aprilis 1606. Pontificatus Nostri Anno Primo.

M. Vestrius Barbianus.

Anno à Natiuitate D. N. Iesu Christi 1606. Indictione quarta, die verò quarta mensis Aprilis, Pontificatus autem Sanctissimi in Christo Patris, & D. N. D. Pauli diuina prouidentia Papæ Quinti, Anno eius Primo; Retroscriptæ litteræ affixæ, & publicatæ fuerunt in valuis Basilicæ Principis Apostolorum, & Basilicæ Sancti Ioannis Lateranen., ac Cancellariæ Apostolicæ, & in Acie Campi Floræ, vt moris est per me Christophorum Fundatum, Apostolicum Curf.

In Basilica Bagni Magister Curf.



